

## 75 Johr Rhein-Berg

Wat, wo un wie et wor  
vüür Daach un Johr.  
Dofür interessieren sesch ärsch  
vell beim Verein Rhein-Bärsch.  
Dat sin hüek  
bahl 600 Lück.

Se luuren noh,  
wie wor dat fröher do.  
Wie wor die Zick,  
met de kleen Lück?  
Wat für'n Pläsier  
hatten de huh Dier?  
Wat jütt et für Spuren  
von Pastürsch un Buuren?  
Wat däten us Ahne  
baue un plane ?

Es et jelonge,  
dat se jett eruusjefonge,  
dunn se dat opschrieve,  
dat et deet blieve.  
En Vüürdrääsch un Broschüre  
kammer dat lesse un hüüre.  
Kütt en de „Bensbärjer Bote“ eren  
un en „Heemet tösche Sülz un  
Dhünn“.

Wat se däte opspüre  
kammer och em „Radio Bärsch“  
hüüre.

Wer jett weeiß  
es en nem Arbeetskrees.  
Ahnenforschung es noch jett,  
wat mr jäen hätt.

Platt kalle  
deet vellen jefalle.  
Dat Kulturjut dunne se deswäje  
bei Kaffee un Kooche fläje.

Em Jeschichtelokal GL  
fengk, dä jett wesse well,  
emmer noch jett  
wo hä Spass draan hätt.

Wer hätt  
en Internet,  
dä kann hüüre un sinn,  
wat em Archiv es dren.

Exkursionen  
dunn sesch lohne,  
dobei wüerd mr sujar  
emmer jett Neues jewahr.

75 Johr es ärsch vell,  
wemmer su well.  
Su wönschen mir  
noch vell Pläsier.  
Wat ühr doot,  
maat et jood  
un bliet noch lang  
su am Jang,  
en erfolschreische Zick.  
un ärsch vell Jlöck.

*Hans Bruchhausen (19.9.2010)*